



Broj: 101-1-2736-1/22

Mostar, 15.9.2022. godine

**OBAVJEŠTENJE O PROVEDENOM PREGOVARAČKOM POSTUPKU  
BEZ OBJAVLJIVANJA OBAVJEŠTENJA O NABAVCI  
Razvoj modula informacijskog sistema e-evaluacije, te praćenja i jačanja saradnje sa  
alumni studentima i okruženjem**

U skladu sa članom 28. stav (4) Zakona o javnim nabavkama Bosne i Hercegovine ("Službeni glasnik BiH", broj 39/14), Univerzitet „Džemal Bijedić“ u Mostaru (u daljem tekstu Univerzitet) na internetskoj stranici objavilo je informaciju o pokretanju pregovaračkog postupka bez objavljivanja obavještenja na svojoj web stranici.

Postupak nabavke provodio se za nabavku usluga razvoja informacijskog softvera eUnmo Univerziteta „Džemal Bijedić“ u Mostaru, odnosno razvoja novih modula za e-evaluaciju i praćenje diplomanata na tržištu rada i saradnja sa poslovnim okruženjem, pri čemu je predložena nabavka planirana dopunom Plana javnih nabavki za 2022. godinu, realno je procijenjena njena vrijednost na tržištu, osigurana su sredstva za isplatu i predložena je odgovarajuća vrsta postupka.

Budući da se radi o nadogradnji postojećeg softvera informacionog sistema, a da softver sa izvornim kodom (eng. source code) posjeduje samo jedna IT kompanija, odnosno Breakpoint d.o.o. Mostar, Univerzitet kao ugovorni organ može provesti jedino pregovarački postupak bez objave obavještenja sa jednim ponuđačem, u skladu sa članom 21. c) Zakona o javnim nabavkama koji određuje da ugovorni organ izuzetno može ugovor o nabavci dodjeljivati putem pregovaračkog postupka bez objave obavještenja o nabavci u sljedećim slučajevima: *“...c) kada se iz suštinskih, dokazivih tehničkih ili umjetničkih razloga, ili iz razloga koji se odnose na zaštitu ekskluzivnih prava, ugovor može dodijeliti samo određenom ponuđaču”*.

Činjenica da je samo jedna kompanija vlasnik izvornog koda znači da isti ima isključiva ekskluzivna prava, jer navedena prava nije prenio na treće osobe. Zbog navedenih činjenica otvoreni postupak pokazao bi da ponuđači u eventualnom predmetnom postupku izvorni kod bi morali kupiti od vlasnika izvornog koda i pri tome uključiti u ponudu svoj iznos dobiti, čime se ni na koji način ne povećava transparentnost i konkurentnost u predmetnoj nabavci odnosno dobiva veća cijena za tražene usluge, Univerzitet kao ugovorni organ provest će pregovarački postupak bez objave obavještenja sa navedenim dobavljačem za nabavku usluge, odnosno razvoj dva nova modula informacijskog softvera eUnmo, u cilju povećanja sistema osiguranja kvaliteta i jačanja mobilnosti i internacionalizacije Univerziteta.

Istovremeno sa ovom informacijom, upućen je poziv za učešće u pregovaračkom postupku bez objavljivanja obavještenja sa vlasnikom izvornog koda kompanijom Breakpoint d.o.o. Mostar.

Nakon postupka pretkvalifikacije, kvalificirani ponuđač pozvan je da dostavi svoju inicijalnu ponudu sa eventualne popuste i pogodnosti, a o kojima će se pregovaralo.

Komisija koja je provodila postupak nabavke je jednoglasno ocijenila da je ponuda ponuđača BreakPoint d.o.o. prihvatljiva, iz razloga što je u skladu sa uslovima iz tenderske dokumentacije, unutar je finansijskih sredstava osiguranih za ovaj predmet nabavke, a ponuđač je dao i određene pogodnosti:

- poboljšanje vizuelnog identiteta mobilne aplikacije za studente,
- u cilju izuzetne saradnje sa Univerzitetom, ponuđač je ponudio svoju dostupnost u slučaju grešaka u aplikaciji u roku od 24 sata od trenutka kontaktiranja od strane Univerziteta.



Na osnovu naprijed navedenog, Univerzitet je donio Odluku o izboru najpovoljnijeg ponuđača kojom se Ugovor o nabavci usluga dodjeljuje ponuđaču BreakPoint d.o.o. Navedena Odluka je objavljena na web stranici Univerziteta, istovremeno s upućivanjem ponuđaču.

U cilju transparentnosti, sačinjeno je ovo Obavještenje koje se objavljuje na web stranici Univerziteta [www.unmo.ba](http://www.unmo.ba)

